

禮儀典第一百六十四卷

天地祀典部彙考十八

皇清三

康熙八年

大清會典康熙八年議准仍於正月上辛日祭

上帝於

大享殿行祈穀禮奉

世祖章皇帝配享俱照順治十四年四年行禮

又議准每歲正月上辛日如有事改次辛日或下辛日祭

上帝於

大享殿行祈穀禮奉

太祖高皇帝

太祖文皇帝

世祖章皇帝配享

上親詣行禮或遣官恭代俱由禮部題請今由太常寺

一前期視牲齋戒省牲視祝版玉帛香監宰牲等儀俱與

圖丘同

一正位

上帝神牌安設殿內正中南向用告祀青帛一其餘陳設供品俱與

天壇大祀同

一配位

太祖神牌安設殿內東旁西向

太宗神牌安設殿內西旁東向

世祖神牌安設殿內次東旁西向用奉先白色帛各一無玉其餘陳設供品與正位同

一正祭日早禮部太常寺官入

皇乾殿詣

上帝

太祖

太宗

世祖神位前各上香一跪三叩頭興捧

神牌奉安龍亭內各一跪三叩頭興校尉舉亭行至

大享殿階下各詣亭前一跪三叩頭興捧起出中階進至

殿內跪安各

神座一跪三叩頭退今由太常寺

一正祭日早太常寺官至

神庫祝案前一跪三叩頭捧請祝文送至

大享殿安設祝案上一跪三叩頭退

一正祭日

上禮服出宮乘輦鹵簿大駕全設不作樂

午門鳴鐘陪祀王以下公以上在

午門內金水橋南排立候

駕隨行不陪祀王以下文武各官在

午門外分翼排列跪送陪祀文武各官預於壇前櫺星門外兩旁排列候

駕

上至壇西門鋪棕薦處降輦贊引官對引官導至更衣幄次更祭服盥手畢入

大享東旁門至殿內拜位前立鴻臚寺官引王以下公以上序立階上陪祀各官由西門入序立階

下典儀唱樂舞生就位執事官各司其事武舞生執干戚引進贊引官奏就位

上就拜位立典儀唱燔柴迎

帝神協律郎唱舉迎神樂奏中平之章樂作贊引官奏陸壇導

上詣

上帝香案前立司香官捧香盒跪案右贊引官奏跪

上跪奏上香

上舉柱香上爐內又三上塊香興贊引官導

上詣

太祖

太宗

世祖位前上香如前儀贊引官奏復位

上復位立樂止贊引官奏跪叩興傳贊官贊衆官俱跪叩興

上行三跪九叩頭禮興王以下陪祀各官俱隨行禮典儀唱奠玉帛協律郎唱舉奠玉帛樂奏肅平

之章樂作贊引官奏陸壇導

上詣

上帝位前立捧玉帛官跪案左贊引官奏跪

上跪奏獻玉帛

上受玉帛拱舉獻正案上興贊引官導

上詣

太祖

太宗

世祖位前以次奠帛如前儀贊引官奏復位

上復位立樂止典儀唱進俎贊引官導

上轉立拜位東旁進俎官率廚役昇牛由中階以次進於

上帝

太祖

太宗

世祖各位前陳設訖協律郎唱舉進俎樂奏咸平之章樂作贊引官奏陞壇導

上詣

上帝位前立奏跪

上跪奏進俎

上拱舉畢興贊引官導

上詣

太祖

太宗

世祖各位前進俎如前儀贊引官奏復位

上復位立樂止典儀唱行初獻禮協律郎唱舉初獻樂奏壽平之章樂作贊引官奏陞壇導

上詣

上帝位前立執爵官捧爵跪案左贊引官奏跪

上跪奏獻爵

上拱舉獻案正中興贊引官奏詣讀祝位

上詣讀祝位立樂止讀祝官至祝案前一跪三叩頭捧祝版立於案左贊引官奏跪傳贊官贊衆官俱跪

上跪王以下陪祀各官及讀祝官皆跪贊引官贊讀祝官讀畢興捧祝版跪安帛匣上三叩頭退樂作贊官引官奏叩興傳贊官贊衆官俱叩興

上行三叩頭禮興王以下各官俱隨行禮贊引官導

上詣

太祖

太宗

世祖位前各獻爵如前儀奏復位

上復位立樂止武舞生叩頭退文舞生執羽籥引進典儀唱行亞獻禮協律郎唱舉亞獻樂奏景平之章樂作贊引官奏陞壇導

上詣各

神位前獻爵於案左餘如初獻

不讀祝

贊引官奏復位

上復位立樂止典儀唱行終獻禮協律郎唱舉終獻樂奏永平之章樂作贊引官奏陞壇導

上詣各

神位前獻爵於案右餘如亞獻儀贊引官奏復位

一上復位立樂止文舞生叩頭退太常寺官一員唱賜福胙光祿寺二員捧福胙向

上帝位前拱舉贊引官奉詣福胙位導

上詣福胙位立捧福胙官二員跪於

上右接福胙官二員跪於

上左贊引官奏跪

上跪奏飲福酒

上受爵拱舉授接爵官奏受胙

上受胙拱舉授接胙官各退贊引官奏叩興

上行三叩頭禮興王以下各官俱不跪叩贊引官奏復位

上復位立行謝福胙禮贊引官奏跪叩興傳贊官贊衆官俱跪叩興

上行三跪九叩頭禮興王以下各官俱隨行禮典儀唱徹饌協律郎唱舉徹饌樂奏凝平之章樂作

捧玉官至

上帝案前一跪三叩頭請玉退樂止典儀唱送

帝神協律郎唱舉送神樂奏清平之章樂作贊引官奏跪叩興傳贊衆官俱跪叩興

上行三跪九叩頭禮興王以下各官俱隨行禮樂止典儀唱捧祝帛香饌各詣燎所贊引官導

上轉立拜位東旁捧祝帛官各詣位前一跪三叩頭捧香饌官俱跪捧不叩依次捧起送至燎所典

儀唱望燎協律郎唱舉望燎樂奏太平之章樂作贊引官奏詣望燎位導

上詣望燎位立祝帛焚半贊引官奏禮畢導

上由

大享東旁門出王貝勒貝子公等隨後出各官兩旁排立候過

上至更衣幄次更衣陞輦設鹵簿大駕作樂回宮王等隨後行各官出兩旁門退不陪祀各官仍於

午門外排班跪迎

午門鳴鐘王等俱隨

駕入

上還宮各退

一祭畢禮部太常寺官於各

神位前一跪三叩頭捧各

神牌由中路下奉安龍亭內各一跪三叩頭依次送至

皇乾殿階下於亭前一跪三叩頭捧各


古今圖書集成
神牌至座上安設上香一跪三叩頭退今由太常寺

一祭日太常寺官徹齋戒牌銅人送庫收貯如常儀

一遣官致祭俱在階下行禮出入由西門無福胙王以下公以上俱不齋戒陪祀各官照常齋

戒陪祀

圖丘總圖



崇寧增圖

今不舉

